

般若綱要卷十

古南沙門通門闕正 七空居士葛擘提綱

大般若經第十六會般若波羅蜜多分序
際弭執幻塵雖檀戒之宗嚴忍進之調銳卒悟寵想
以慧導五之迹昇第第一之乘甄陶二邊洞希微而會所
睇擬議四句之仰岸寂以韜音剪諸見之萌則翳藥星
落褻積疑之網障毅以雲披了性空而常修悟不生假
而而恆利四魔由之亂徹六度因而彙征施以之悟假
而而難捨不能捨戒以之無行檢而而難護能護忍以之
而而逾寂相不慧以之亡照而而三輪不於非法行也
異於無行其覺證也真心混而一觀其出生也法寶
駢而萬區故有二智焉三身焉四辯焉五眼焉六通
馬七覺馬入正焉九定焉十力焉加十成之羅若聚
隨相十二緣智二十九空心皆挺以咽多成之羅若聚

般若綱要卷十

般若綱要卷十

以玉毫之表流之金吻之壽勒成入卷元非再譯則
言殊獎載表遺音本慈吹以昌筵嗟既往而莫奉眷
使家傳妙寶人握靈珠洗客塵於入區霈玄激於萬
葉福庇宸極帝后延齡慶洽黎蒸法教增闡庶狹中
之土擺疑於驚怖之辰上慢之賓輟謗於充誦之際
言入賞者哉悲夫唐西明寺沙門玄則製

卷五百九十三般若波羅蜜多分

善勇猛菩薩白佛言世尊處處為諸菩薩眾宣說
般若波羅蜜多何謂般若波羅蜜多云何菩薩摩訶薩
修行般若波羅蜜多云何修行般若波羅蜜多令速
圓滿云何修行般若波羅蜜多一切惡魔不能得便
所有魔事皆能覺知云何安住般若波羅蜜多速能

圓滿一切智法。佛告勇猛菩薩言。汝問何謂般若波羅蜜多者。當知實無少法可名般若波羅蜜多。超過一切名言道。故善勇猛甚深般若波羅蜜多。實不可說。此是般若波羅蜜多。亦不可說。屬彼般若波羅蜜多。亦不可說。由彼般若波羅蜜多。亦不可說。從彼般若波羅蜜多。何以故。慧能遠達諸法實性。故名般若波羅蜜多。如來智慧。尚不可得。況得般若波羅蜜多。善勇猛般若者。謂解諸法及知諸法。故名般若。云何般若。解知諸法。謂諸法異名言。亦異。然一切法不離名言。若解諸法。若知諸法。皆不可說。然順有情所知。

887

而說。故名般若。善勇猛般若者。謂假施設。由假施設。說爲般若。然一切法不可施設。不可動轉。不可宣說。不可示現。如是知者。名爲實知。善勇猛般若者。非知。非不知。非此。非餘處。故名般若。善勇猛般若者。謂智。所行。非智。所行。非非智境。亦非智境。以智遠離一切境。故若智是境。卽應非智。不從非智而得。有智。亦不從智而有非智。不從非智而有非智。亦不從智而得。有智。不由非智。說名爲智。亦不由智。說名非智。不由非智。說名非智。亦不由智。說名爲智。然卽非智。說名爲智。由斯。卽智。說名非智。此中智者。不可示現。此名

888

爲智不可示現此智所屬不可示現此智所由不可
示現此智所從是故智中無實智性亦無實智住智
性中智與智性具不可得非智與性亦復如是決定
不由非智名智若由非智說名智者一切愚夫皆應
有智若有如實於智非智俱無所得於智非智如實
徧知是名爲智然智實性非如所說所以者何以智
實性離名言故智非智境非非智境以智超過一切
境故不可說是智非智境是名如實宣說智相如是
智相實不可說不可示現然順有情所知說示其能
知者亦不可說智境尙無况有知者若能如是如實

889

了知如實隨覺是名般若復次善勇猛若能如是現
觀作證是則名爲出世般若若如是所說出世般若
亦不可說所以者何世尙非有况有出世所出尙無
况有能出以都不得世及出世能出所出故得說名
出世般若若有所得則不名爲出世般若若此般若
性亦不可得離有無等可得性故又善勇猛世名假
立非假立世實有可出然出諸假故名出世又出世
者非實於世有出不出所以者何此中都無所出能
出少法可得故名出世又出世者無世無出世無出
無不出故名出世若能如是如實了知是則名爲出

890

世般若。若如是般若。非如所說。所以者何。出世般若。超過一切名言道故。雖名出世。而無所出。雖名般若。而無所知。所知不可得。故能出能知。亦不可得。如是如實知名出世般若。由此般若無所不出。是故名爲出世般若。復次善勇猛。此亦名爲通達般若。如是般若。何所通達。謂此般若無所通達。若此般若有所通達。卽是假立。若是假立。則不名爲通達般若。謂於此中都無所有。無此無彼。亦無中間。無能通達。無所通達。無通達處。無通達時。無通達者。故名通達。又善勇猛。諸有成就如是般若。卽能如實通達三界云。

何如實通達三界。謂非三界說名三界。所以者何。此中無界。而可通達。通達三界卽爲非界。由能如是通達三界。故名成就通達般若。復次善勇猛。言通達者。謂能徧知所有緣起。由諸緣故。諸法得起。故名緣起。如是緣起都無所有。如是名爲通達緣起。卽此名爲通知緣起。謂能顯示如實無起。以無起故。說名緣起。平等無起。故名緣起。謂於是處起。尙非有。况當有滅。隨覺緣起。若順若違。皆不可得。無等起。故說名緣起。若無等起。則無有生。若無有生。則無過去。亦無已生。若無過去。亦無已生。則無有滅。若無有滅。卽無生智。

由無生智更不復生亦不證滅由無生故即亦無滅
由有生故施設有滅既無有生是故無滅於一切法
如是知見通達作證說名盡智善勇猛盡智者謂盡
無知故名盡智由何名盡謂由無盡故名爲盡不見
有法可名爲盡然離無知說名盡智即盡無知說名
盡智遍知一切無知法故名盡無知由盡無知說名
盡智非無知法有盡不盡然離無知故名盡智如實
徧知此無知法都無所有故名爲離由如是智知無
知法無別可得名離無知然無知法實不可得智尙
非有况有無知若能於盡得解脫者名爲盡智善勇

猛非此波羅蜜多有遠彼岸少分可得若此般若波
羅蜜多有遠彼岸少分可得如來應說甚深般若波
羅蜜多有遠彼岸非此般若波羅有遠可得是故不
說此有彼岸又善勇猛甚深般若波羅蜜多隨覺諸
法若能隨覺即達覺悟所以者何此中無物可名隨
覺隨覺無故覺悟亦無即於諸法無通達義隨覺通
達平等法性是菩提故隨覺諸法故名菩提云何此
能隨覺諸法此中無物可名菩提故於此中亦無隨
覺何以故若有菩提少分可得即菩提內應得菩提
然菩提中菩提非有應作如是現證菩提非隨覺故

非通達故說名覺悟。雖作是說而不如說。以一切法不可隨覺。不可通達。又法非法俱無自性。由覺此理故名菩提。何以故。非諸如來應正等覺能得菩提。非諸如來應正等覺能了菩提。如實菩提不可了。故不可表。故非諸如來應正等覺生起菩提。菩提無生無起性。故善勇猛有情界者。卽是無實有情。增語非有情。中有有情性。有情無故。名有情界。若有情。中有有情性。則不應說爲有情界。有情界者。卽顯無界。以有情界無界性。故若有情界。卽界性有。則應實有命者。卽身。若有情界離界性。有則應實有命者異身。然有

885

情界無實界性。但由世俗假說爲界。非有情界中可有界性。亦非界性。中有有情界。非卽界性。是有情界。非離界性。有情界。以一切法無界性。故復次善勇猛。我依此義。蜜意說諸有情界。不可施設有減有滿。所以者何。以有情界非有性。故諸有情界離有情。故如有情界。不可施設有減有滿。諸法亦爾。不可施設有減有滿。以一切法皆無實性。故不可言有減有滿。若能如是隨覺諸法。是則名爲隨覺佛法。以一切法無減滿。故說名佛法。佛法卽非佛法。增語非諸佛法。有物能令或減或滿。所以者何。以卽隨覺一切法。故

886

若能隨覺一切法性。此中無法或減或滿。一切法者。當知卽是增語。非彼法界有減有滿。所以者。何以彼法界無邊際。故非有情界。及彼法界差別可得。非有情界。及彼法界或減或滿。或得或有。如是隨覺卽名菩提。由此故言。非諸佛法可得。施設有減有滿。又善勇猛。無減滿性。若能如實無分別者。當知名爲如實見者。非於此中能有取捨。如是隨覺說名菩提。菩提者卽是佛相。云何佛相。謂一切相畢竟無相。卽是佛相。何以故。畢竟無相。與菩提相自性離。故如是隨覺說名菩提。又善勇猛。一切有情行菩提行。不知不覺。

887

諸法實性不名菩薩。所以者。何不知有情。非有情。故若知有情。非有情性。行菩提行。應成菩薩。然諸有情由顛倒。故不能覺了。自行自境。自所行處。若於自行如實了知。則不復行。有分別。行是名菩薩行。於無行。菩薩不應由分別。故起分別行。若於是處無所分別。非於此處而有所行。若於是處不起分別。非於此處復有所行。諸佛菩薩於一切行無所分別。而修行。故一切憍慢。畢竟不起。於一切法不復攀緣。不復分別。不游不履。如是名爲真菩薩行。以無所行爲方便。故復次善勇猛。無有情者。當知卽是菩薩。增語以能遣。

888

除一切想故。所以者。何以能了達一切有情。非實有。情一切有情。皆非有情。一切有情。皆是顛倒執著。有情一切有情。皆是遍計所執。有情一切有情。皆是虛妄所緣。有情一切有情。皆是敗壞自行。有情一切有情。皆是無明緣行。有情善勇猛。非有情名。有少實法。可執爲我。或爲我。所以無實法。是故可說一切有情。非實有情。非有情者。當知卽是非實增語。非實者。當知卽是非有情增語。若於諸行有遍覺者。可名菩薩。

889

卷五百九十四 卷五百九十五

復次善勇猛言菩薩者。謂能隨覺有情。無實無生增

語。又菩薩者。於一切法。亦能如實如佛而知。謂如實知一切法性。無實無生。亦無虛妄。善勇猛。若諸菩薩發菩提心。作如是念。我於今者。發菩提心。此是菩提。我今爲趣此菩提。故發修行心。是諸菩薩有所得。故不名菩薩。但可名爲狂亂薩埵。何以故。由彼菩薩決定執有發起性。故決定執有所發心。故決定執有菩提性。故但可名爲於菩提心有執薩埵。不名眞淨發心菩薩。彼由造作發菩提心。復名造作薩埵。不名菩薩。彼由加行發菩提心。復名加行薩埵。不名菩薩。何以故。彼諸菩薩由有所取發菩提心。但可名爲發心。

900

薩。不名菩提。又善勇猛。無實能發菩提心者。以菩提心不可發。故菩提無生。亦無心。故彼諸菩薩。惟執發心。不了菩提。無生心義。心平等性。卽是菩提。此中無所分別。若分別心及菩提。便執著心及菩提。由此二種發菩提心。當知不名真發心者。又善勇猛。菩提與心。非各有異。非於心內有實菩提。非菩提內得有實心。菩提與心如實如理。俱不可說是覺是心。由如實覺菩提與心俱不可得。無生不生。故名菩薩。亦名摩訶薩。善勇猛。以證入大乘名摩訶薩。何謂大乘。謂一切智。說名大乘。云何一切智。謂諸所有智。若有爲

901

智。若無爲。智若世間。智若出世間。智能證入如是等智。名摩訶薩。所以者何。以能遠離大有情。想又能遠離大無明。蘊又能遠離大諸行。蘊又能遠離大無知。蘊又能遠離大。眾苦。蘊名摩訶薩。又善勇猛。遠離大有情。想。名摩訶薩。彼於一切心及心所法。雖無所得。而能了知心之本性。彼於菩提及菩提分法。雖無所得。而能了知菩提本性。彼由此智。非於心內見有菩提。亦非離心見有菩提。非於菩提內見有實心。亦非離菩提見有實心。如是除遣無所修習。無所恃怙。無所執著。雖不見有菩提心性。而能發起大菩提心。如

902

是發菩提心而於菩提無所引發何以故彼已安住
大菩提故都不見有心及菩提生滅差別亦不見有
發心趣向大菩提者無見無執無所分別發起勝解
及解脫心當知名爲真實菩薩又善勇猛若諸菩薩
不離心想及菩提想發菩提心彼遠菩提非近菩提
若不見菩提有近有遠當知彼近無上菩提亦名眞
發菩提心者我依此義蜜意說言若能自知無二相
者彼如實知一切佛法所以者何彼能證會我及有
情俱無自性卽能遍知諸法無二定能了達我及有
情與一切法皆以無性而爲自性理無差別若能了

903

知諸法無二卽能了知一切佛法若能遍知諸法無
二卽能遍知一切佛法若能遍知我卽遍知三界
增上慢者於此法教不能悟入以非彼境非彼地故
要請佛子從正等覺自然智生乃能精勤學正等
覺大師子吼於正等覺無上法財善能受用諸佛
世尊將欲開示斷一切疑微妙甚深菩薩藏法必有
如是無量無邊最勝清淨功德眾集隨所知境界
世俗文句方便演說甚深般若波羅蜜多令菩薩眾
精勤修學一切法如所有性本性不可得般若波羅
蜜多亦復如是般若波羅蜜多於一切法都無所依

904

一切法不在內不在外不在兩間遠離而住 一切法非相應非不相應 一切法真如不虛妄性不變異性如所有性是謂般若波羅蜜多 一切法者離一切法性所以者何非一切法中有一切法此無所有是謂般若波羅蜜多 一切法自性離此離自性是謂般若波羅蜜多 一切法無一切法自性此無自性是謂般若波羅蜜多 卷止 九十四 一切法非一切法所行於一切法無知無見是謂般若波羅蜜多 一切法不捨一切法自性於自性如是遍知是謂般若波羅蜜多 一切法非合非離是謂般若波羅

蜜多 一切法非減非增是謂般若波羅蜜多 一切法非染非淨是謂般若波羅蜜多 一切法非有淨法非有不淨法是謂般若波羅蜜多 一切法非移轉非趣入是謂般若波羅蜜多 一切法非繫非離繫是謂般若波羅蜜多 一切法非死非生一切法非生非死是謂般若波羅蜜多 一切法非流轉非有流轉法是謂般若波羅蜜多 一切法非盡非有盡法是謂般若波羅蜜多 一切法非有集法非有滅法是謂般若波羅蜜多 一切法非有起法非有盡法是謂般若波羅蜜多 一切法非有變壞法

非無變壞法。是謂般若波羅蜜多。一切法非常非
無常。乃至非淨非不淨。是謂般若波羅蜜多。一切
法非有貪瞋癡法。非離貪瞋癡法。是謂般若波羅蜜
多。一切法非作者。非使作者。乃至非知見者。是謂
般若波羅蜜多。一切法非斷非常。非有邊非無邊。
是謂般若波羅蜜多。一切法非見趣非見趣斷非
愛非愛斷。是謂般若波羅蜜多。一切法非善非非
善。是謂般若波羅蜜多。九十五

卷五百九十六

夢幻泡影。自性都無。所有如是。般若波羅蜜多。雖假

說有種種自性。而此般若波羅蜜多。實無自性可得。
直說。舍利子。白佛言。如來雖說般若波羅蜜多。而
說般若波羅蜜多。非圓成實。世尊告舍利子言。如是
如是我說般若波羅蜜多。非圓成實。何以故。一切法
非圓成實。故我說般若波羅蜜多。非圓成實。譬如虹
蜺。雖有種種妙色顯現。而無一實。如是般若波羅蜜
多。雖假種種言相顯示。而所顯示。無性可得。譬如虛
空。雖以種種尺寸量度。而未會見有五指許。是圓成
實。如是般若波羅蜜多。雖假種種言相顯示。而未會
見有少自體。是圓成實。諸法甚深。故般若波羅蜜

多最爲甚深。般若波羅蜜多深廣無量無邊功德之所證故。諸法本性清淨故。般若波羅蜜多本性清淨。諸法無邊際故。般若波羅蜜多亦無邊際。當知般若波羅蜜多初中後位皆無邊際亦無方域邊不可得故名無邊際不可得故名無際以無邊故說名無際以無際故說名無邊。

卷五百九十七

舍利子白佛言云何菩薩依如是法行諸境相佛言諸菩薩衆尙不得法何況非法知一切境皆無境性由此因緣是諸善士依如是法行諸境相無所執著

舍利子諸有情類多有成就下劣法者所有信解亦皆下劣不能種植廣大善根彼於如是甚深廣大無染正法不能信受隨類勝劣各相愛樂下劣信解諸有情類還樂下劣信解有情廣大信解諸有情類還樂廣大信解有情。舍利子白佛言以何等法爲所行境佛言般若波羅蜜多以無邊法爲所行境以諸法空爲所行境如虛空界風界俱無處所而可見者亦復不爲生起法相而現其前如是般若波羅蜜多於法都無可現示者亦復不爲生起法相而現其前。舍利子復白佛言如是般若波羅蜜多以何爲

相。佛言。如是般若波羅蜜多。遠離眾相。無有少相而
可得者。舍利子。如虛空界。無礙著處。如是般若波羅
蜜多。無礙著處。由斯故說甚深般若波羅蜜多。無著
為相。又舍利子。非無著法。有相可得。然隨世間名。言
理趣。作如是說。甚深般若波羅蜜多。無著為相。又舍
利子。諸法皆以無著為相。以諸法不可得故。名無著
相。無有少法為起相。故而現在前。以於此中。無相可
得。故名無相。以無相故。說名無著。若一切法。有少相
者。應於此中。有著。可得。以一切法。眾相都無。是故此
中。無著可得。故說諸法。無著為相。又舍利子。諸雜染

911

法。顛倒。現前。諸顛倒者。皆是無相。諸無相者。皆不可
說。故有相法。卽是無相。又舍利子。諸清淨法。亦無有
相。所以者何。雜染尚無有相。况清淨法。而可有相。又
舍利子。若能徧知諸雜染法。如實性者。彼諸雜染。皆
不可得。然諸有情。由顛倒故。起諸雜染。諸顛倒者。皆
非真實。若非真實。則無實體。亦無實相。若能如是如
實。遍知。卽名清淨。是故雜染。清淨。二法。俱非有相。非
圓成實。又舍利子。愚夫。異生。著無著相。又舍利子。此
無著相。當知。卽是智所行處。亦是般若波羅蜜多所
行之處。此無著相。智所行處。亦名般若波羅蜜多。又

912

舍利子。所行處者。當知此。顯非所行處。甚深般若波羅蜜。多非行處。相可能顯示。又舍利子。所行境者。當知顯示非所行境。以一切法如實之性。如所有性。皆不可得。故一切法非所行境。以一切法無境性。故若能如是遍知諸法。是則名為行一切境。時舍利子。告善現。言云。何具壽。嘿然無說。善現答言。我於諸法。都無所見。是故我今嘿然無說。又舍利子。我都不見甚深般若波羅蜜。多亦不見有諸菩薩眾。不見能說。不見所說。亦復不見。由此爲此。因此屬此。依此而說。我於此中。既無所見。云何令我宣說般若波羅蜜。多。

913

舍利子。甚深般若波羅蜜。多不由顯示所有法。故而現在前。又舍利子。如無有法。由顯示法。而現在前。我當云。何宣說如是甚深般若波羅蜜。多。然舍利子。若能了知如是所說甚深般若波羅蜜。多。不由顯示所有法。故而現在前。卽能了知甚深般若波羅蜜。多。亦能宣說甚深般若波羅蜜。多。爾時世尊告善勇猛菩薩。言諸菩薩。修行般若波羅蜜。多於一切法。都無所行。何以故。以一切法皆是顛倒之所等起。非實有。邪僞虛妄。譬如於法有所行者。皆行顛倒。皆行不實。如是菩薩若有所行。應行顛倒。應行不實。非諸善。

914

薩是顛倒行及不實行之所顯了。亦非菩薩行顛倒
行及不實行。能行般若波羅蜜多。又善勇猛。顛倒不
實。則非所行。是故菩薩不於中行。又善勇猛。言顛倒
者。卽是虛妄。愚夫異生之所執著。如是諸法。不如是
有如是所執。不如其相。是故說名顛倒不實。故諸菩
薩不行顛倒。不行不實。由此菩薩名無倒行者。若實
無倒。則無所行。故說菩薩行無所行一切行。斷名菩
薩行善勇猛。菩薩不行一切分別。異分別。行一切分
別。異分別。斷名菩薩行分別者。謂於諸法分別。自性
異分別者。謂於諸法分別。差別。非一切法可得分別。

及異分別。以一切法不可分別。異分別。故若分別。法
則於諸法作異分別。然一切法遠離分別及異分別。
又善勇猛言分別者。是謂一邊。異分別者。是第二邊。
若諸菩薩於邊無邊俱無所行。是諸菩薩亦不見中。
若見中者。則行於中。若行中者。則行於邊。非中有行
有顯有示。離行相。故又善勇猛所言中者。卽是入聖
支道。如是聖道於一切法都無所得。而現在前。都無
所見。而現其前。若時於法無修無遣。爾時名爲止息
之道。此止息道於一切法無修無遣。超過修遣。證一
切法平等實性。又止息道者。謂阿羅漢漏盡。苾芻何

以故。彼遣道。故非修非。遣故名爲遣。彼遣亦無故名爲遣。以遣修。故說名爲遣。若有修遣。應有所得不名爲遣。此中遣者。謂遣修性。此中無修。故名爲遣。以修無故遣亦非有。菩薩摩訶薩。不緣一切法。是行般若。若波羅蜜多。何以故。菩薩知諸所緣。性遠離。故若知所緣。其性遠離。則無所行。故說菩薩行無所行。若諸菩薩能行般若。波羅蜜多。遍知一切所緣而行。除遣一切所緣而行。

卷五百九十八 卷五百九十九 卷六百

菩薩能如是行。則不緣一切法清淨而行。何以故。菩

薩遍知一切法所緣。本性清淨故。菩薩修行般若。波羅蜜多。於一切法不行集。不行滅。不行深。不行淺。不行空。不行不空。不行有相。不行無相。不行有願。不行無願。不行有造。作。不行無造。作。何以故。如是諸法。一切皆有恃執。動轉戲論。愛趣。謂我能行。如是動轉。我於此行。如是戲論。我由此行。如是愛趣。我依此行。如是恃執。此中菩薩。了知一切恃執。動轉戲論。愛趣。害諸無知。無所恃執。無恃執。故都無所行。亦無執藏。無執藏。故無所繫縛。亦無離繫。亦無等起。如是菩薩。害諸恃執。修行般若。波羅蜜多。復次菩薩修行般若。

波羅蜜多於一切法不行常無常不行樂無樂不行
我無我不行淨不淨不行空不空不行如幻如夢如
光影如谷響何以故如是諸法有尋有伺有行有觀
此中菩薩了知一切有尋有伺有行有觀害一切行
遍知諸行修行般若波羅蜜多是謂宣說諸菩薩行
一切法不可思議故菩薩修行甚深般若波羅蜜
多亦不可思議何以故非心所生故名不可思議亦
不生心故名不可思議若謂心生是為顛倒謂心不
生亦是顛倒能通達心及心所俱無所有則非顛倒
愚夫異生不能覺了於心遠離不能正知亦不正知

919

所緣遠離由斯執著心卽是我心是我所心依於我
心從我生彼執心已復執爲善或執非善或執爲樂
或執爲苦或執爲斷或執爲常種種法門請菩薩眾
修行般若波羅蜜多遠離顛倒心心所法證心本性
清淨明白於中都無心心法起復作是念由所緣境
心心所生了知所緣無所有故心心所法皆不得生
既不得生亦無住滅亦不令法有生住等能如是行
是行般若波羅蜜多菩薩通達諸法若因若集若
沒若滅無有少法不合般若波羅蜜多如實了知諸
法因集滅道之相於一切法不修不遣何以故以一

920

一切法無性爲性。遠離自性。則非實物。非實物。故無修。無遣於一切法。無修無遣。名修般若波羅蜜多。菩薩修行般若波羅蜜多。不起一切法相應相心。不起一切俱行之心。能就如是清淨心。故於諸有情。雖起遍滿慈悲喜捨。而能遣除諸有情想。於有情想無執。而住於四梵住。亦無執著成就妙慧方便善巧。般若波羅蜜多速得圓滿。速圓滿故。便於諸法無取無執。菩薩如是學時。不於一切法學。不爲超越一切法。學不於一切法生。學不於一切法滅。學不爲調伏一切法。故學不爲不調伏一切法。故學不爲攝伏移轉。

921

一切法故學。不爲趣入安住一切法故學。九十八
 菩薩如是學時。不於一切法學。若常若無常若樂若
 苦若空若不空若我若無我不緣一切法。若過去行。若
 若未來行。若現在行。雖以空寂靜無我行相觀察。過
 去而不以空寂靜無我行於過去。雖以空寂靜無我
 行相觀察。未來而不以空寂靜無我行於未來。雖以
 空寂靜無我行相觀察。現在而不以空寂靜無我行
 於現在。菩薩能如是行。雖觀過去。空無我無我所無
 常無恒無久安住不變易法。而不如是行於過去。雖
 觀未來。空無我無我所無常無恒無久安住不變易

922

法。而。不。如。是。行。於。未。來。雖。觀。現。在。空。無。我。無。我。所。無。
常。無。恒。無。久。安。住。不。變。易。法。而。不。如。是。行。於。現。在。能。
如。是。行。能。如。是。住。修。行。般。若。波。羅。蜜。多。速。得。圓。滿。能。
如。是。行。則。不。緣。一。切。法。以。一。切。法。非。所。緣。故。以。一。切。
法。非。能。緣。故。非。一。切。法。有。所。取。故。而。可。於。彼。說。有。所。
緣。若。有。所。緣。則。有。動。作。計。著。執。取。若。有。執。取。即。有。憂。
苦。猛。利。愁。箭。悲。惱。歎。生。若。有。所。緣。即。有。恃。執。動。轉。戲。
論。能。如。是。行。則。於。一。切。法。不。起。分。別。無。異。分。別。能。
如。是。行。能。如。是。住。一。切。惡。魔。不。能。障。礙。成。就。般。若。波。
羅。蜜。多。利。慧。刀。劍。具。大。勢。力。是。諸。菩。薩。於。一。切。處。無。

923

所。依。止。何。以。故。若。有。所。依。則。有。移。轉。若。有。移。轉。則。有。
動。搖。若。有。動。搖。則。有。戲。論。若。論。有。情。有。依。有。轉。動。搖。
戲。論。隨。魔。力。行。未。脫。魔。境。菩。薩。不。依。止。一。切。法。誰。得。
一。切。依。止。淨。法。依。止。清。淨。微。妙。智。見。修。行。般。若。波。羅。
蜜。多。由。此。惡。魔。不。能。得。便。修。行。般。若。波。羅。蜜。多。不。
行。一。切。法。合。離。相。不。行。一。切。法。清。淨。不。清。淨。相。能。如。
是。行。則。不。與。一。切。法。若。合。若。離。何。以。故。以。一。切。法。無。
合。離。故。善。勇。猛。合。者。謂。常。離。者。謂。斷。一。切。法。性。不。為。
合。故。離。故。現。前。若。諸。法。性。為。合。為。離。現。在。前。者。則。應。
諸。法。可。得。不。可。得。故。佛。不。施。設。愚。夫。異。生。妄。見。合。離。

924

顛倒繫縛馳流生死。謂合得合住合見合執有合故。便執有離。謂除遣合而得離。故善勇猛若處有合。是處有離。若於合中無得無恃不起執著。亦不見離。若於離中有得有恃起執著者。彼便有合與生死苦未可別離。菩薩觀諸法性非合非離。亦不爲法。若合若離而有所作。或有修學。如是安住。速能圓滿一切智法。修行般若波羅蜜。多不行一切法。著無著所緣。清淨不清淨。都不見行及不行法。能如是行。速能圓滿一切智法。卷上九 修行般若波羅蜜。多不行一切法。開顯不開顯。寂靜不寂靜。清淨不清淨。遠離不

925

遠離能如是行。速能圓滿一切智法。菩薩能如是行。不住一切法。非一切法有可住義。所以者何。以一切法皆無執藏。無執藏。故無可住者。善勇猛。以無所住及無不住爲方便。故說一切法都無可住。如四大河無熱池。出未入大海。終無住義。如是諸法。乃至無造諸行未盡。終無住義。手執卽是甚深般若波羅蜜。多相應法。教是諸菩薩。設不現前。蒙佛授記。當知已近蒙佛授記。或復不久。當蒙諸佛現前受記。一切法無著無縛。無有少法爲著爲縛。而現在前。由此亦得無解脫義。善勇猛。一切法無著無縛。亦無解脫。

926

言著縛者謂於法性執著繫縛法性既無故不可說
有著有縛言解脫者謂脫著縛彼二既無故無解脫

如是法門非諸雜染弊有情類手所能得非魔羅
網所拘繫者之所行地是性調善極聰慧者之所行
地般若波羅蜜多甚深法門受持一句尚獲無量無
邊功德況有於此大般若經能具受持轉讀書寫供
養流布廣爲他說彼所獲福不可思議

大般若波羅蜜經六百卷

般若義同文異節義詳載綱要
第八卷初分後

第二分

修行般若波羅蜜多時於一切有情起平等心於一
切法性皆得平等安立一切有情於一切法平等性
中觀照品

復次善現所言菩薩摩訶薩者於意云何卽一切法
是菩薩摩訶薩不也世尊離一切法有菩薩摩訶
薩不也世尊佛告善現汝觀何義作如是言卽色
等法非菩薩摩訶薩離色等法無菩薩摩訶薩耶善
現白佛言若菩提若薩埵若色等法尚畢竟不可得

性非有故。況有菩薩摩訶薩。此既非有。如何可言。卽色等法。是菩薩摩訶薩。離色等法。有菩薩摩訶薩。耶。佛告善現。如是如是。如汝所說。若菩提若薩。唾若色等法。不可得。故諸菩薩摩訶薩。亦不可得。諸菩薩摩訶薩。不可得。故所行般若波羅蜜多。亦不可得。善現。諸菩薩摩訶薩。修行般若波羅蜜多。應如是學。復次善現。所言菩薩摩訶薩者。卽色真如。是菩薩摩訶薩。不不也。世尊。離色真如。有菩薩摩訶薩。不不也。世尊。佛告善現。汝觀何義。作如是言。卽色等法。真如非菩薩摩訶薩。離色等法。真如無菩薩摩訶薩。耶。善現白。

929

佛言。色等法。尙畢竟不可得。性非有故。況有色等法。真如此。真如既非有。如何可言。卽色等法。真如是菩薩摩訶薩。離色等法。真如有菩薩摩訶薩。佛告善現。如是如是。如汝所說。色等法。不可得。故色等法。真如亦不可得。色等法。及真如。不可得。故諸菩薩摩訶薩。亦不可得。諸菩薩摩訶薩。不可得。故所行般若波羅蜜多。亦不可得。善現。諸菩薩摩訶薩。修行般若波羅蜜多。應如是學。善現品與綱要第一卷二十二葉經文參看。復次善現。所言般若波羅蜜多者。色增語。是菩薩摩訶薩。不不也。世尊。色常增語。是菩薩摩訶薩。不不也。

930

世尊色無常增語是菩薩摩訶薩不不也世尊乃至一切法雜染增語清淨增語是菩薩摩訶薩不不也世尊佛告善現汝觀何義作如是言色等法增語非菩薩摩訶薩復觀何義作如是言色等法若常若無常增語乃至若生若滅增語亦非菩薩摩訶薩耶善現白佛言世尊色等法尚不可得性非有故况有色等法增語此增語既非有如何可言色等法增語是菩薩摩訶薩乃至色等法生滅增語是菩薩摩訶薩佛言如是如是如汝所說色等法及常無常等不可得故色等法增語及常無常等增語亦不可得法及

931

增語不可得故講菩薩摩訶薩亦不可得諸菩薩摩訶薩不可得故所行般若波羅蜜多亦不可得善現諸菩薩摩訶薩修行般若波羅蜜多應如是學品與善現非離有為施設無為非離無為施設有為品善現復次世尊諸菩薩摩訶薩修行般若波羅蜜多時應當如是審諦觀察何者是般若波羅蜜多何故名般若波羅蜜多誰之般若波羅蜜多如是般若波羅蜜多為何所用審諦觀察若法無所有不可得是為般若波羅蜜多品勝軍

932

善現言何等為法云何常於此法愛樂欣喜佛告善現所言法者謂色非色皆無自性都不可得不可破壞不可分別是名為法言愛法者謂於此法起欲希求言樂法者謂於此法稱讚功德言欣法者謂於此法歡喜信受言喜法者謂於此法慕多修習親近愛重以無得而為方便常能如是愛樂欣喜而不僣舉決定能於大有情眾當為上首譬喻品

菩薩摩訶薩修行無縛無解六波羅蜜多能證無縛無解一切法性是名被無縛無解大乘鎧者解品

諸佛弟子於一切法無依著者法爾皆能隨所問詰

933

一 一 酬答自在無畏何以故以一切法無所依故離品

憍尸迦諸菩薩摩訶薩同向心則非心菩提心亦非心不應非心同向非心心亦不應同向非心非心不應同向於心心亦不應同向於心何以故非心即是不可思議不可思議即是非心如是一種真無所有無所有中無同向義憍尸迦心無自性心性無故心所亦無心及心所既無自性故心亦無同向心義若作是觀是為菩薩摩訶薩般若波羅蜜多帝釋品

一切法性無所依止無所繫屬由此因緣無生無起

934

無知無見當知甚深般若波羅蜜多。雖生如來應正
等覺亦能示現世間實相而無所生亦無所示。示相
能示如來應正等覺世間相者謂令不起此世間。
亦令不起他世間想。所以者何。以一切法皆無所有。
實不可得。無可依。彼起此世間。他世間。示相
不可思議。思議滅。故不可稱量。稱量滅。故無數量。
量滅。故無等等。等滅。故不可思議者。但有不可思
議。增語。不可稱量者。但有不可稱量。增語。無數量者
但有無數量。增語。無等等者。但有無等等。增語。示相

綱要五卷十六
葉經文參看

雖諸聲聞獨覺菩薩皆依如是甚深般若波羅蜜多。
精勤修學各得究竟所作事業。而是般若波羅蜜多。
無增無減。成辦
菩薩摩訶薩離聞真如與一切法無二無別。而無滯
礙。所以者何。真如與法不可說一。不可說異。不可說
俱及不俱。故菩薩摩訶薩終不觀他好惡長短平等。
憍惑而為說法。不觀法師種性好惡。唯求所說微妙
法義。善現不退轉菩薩具如是等諸行狀相。轉
不退轉菩薩修行般若波羅蜜多。通達諸法皆無所
有。常不遠離菩提作意。不樂觀察論說諸蘊諸處諸

界所以者何。是菩薩於蘊處界性相空理已善思惟。善通達。故不樂觀察論說眾事。所以者何。是菩薩於一切眾性相皆空。已善思惟。善通達。故不樂觀察論說五事。是菩薩住本性空。不見少法有勝有劣貴賤相。故不樂觀察論說賊事。是菩薩住自相空。不見少法有得有失與奪相。故不樂觀察論說軍事。是菩薩住本性空。不見諸法有多有少聚散相。故不樂觀察論說戰事。是菩薩住真如一切法。空不見少法有強有弱愛恚相。故不樂觀察論說城邑事。是菩薩住虛空界空。不見少法有攝不攝好惡相。故不樂觀察論

937

說聚落事。是菩薩住一切法。空不見少法有增有減合離相。故不樂觀察論說國土事。是菩薩安住實際。不見諸法有屬不屬此彼相。故不樂觀察論說我有情乃至知者見者事。是菩薩住畢竟空。都不見我乃至見者若有若無差別相。故不樂觀察論說相好事。是菩薩善住無相。不見諸法有好有醜差別相。故是菩薩摩訶薩不樂觀察論說世間如是等事。但樂觀察論說般若波羅蜜多。所以者何。甚深般若波羅蜜多遠離眾相。能證無上正等覺。故轉品不。是菩薩摩訶薩雖行一切法空而愛樂正法。不愛非

938

法恆願饒益一切有情。雖行不可得空而常稱讚三寶功德利益安樂一切有情。雖行諸法真如法界一味之相而樂稱讚真如法界種種功德。雖知諸法皆畢竟空而愛善友不愛惡友。轉品
是菩薩摩訶薩若晝若夜常不遠離念佛作意常不遠離聞法作意。由此因緣隨諸國土有佛世尊現說正法。卽乘願力往彼受生。或乘神通往彼聽法。由是因緣此諸菩薩生生之處常不離佛。恆聞正法無間無斷。是菩薩摩訶薩常爲利樂諸有情。故雖能現起初靜慮定乃至非想非非想處定而巧方便起欲界。

539

心教諸有情十善業道亦隨願力現生欲界有佛國土。供養恭敬尊重讚歎諸佛世尊聽聞正法修諸勝行。轉品
菩薩摩訶薩護正法時應作是念。我不爲護一佛二佛乃至百千諸佛正法普爲護持十方三世諸佛正法。令不虧損。何等名爲諸佛正法。一切如來應正等覺所覺所說一切法空如是名爲諸佛正法。轉品
要第五卷三十
八葉經文參看
依深般若波羅蜜多所起回向是爲最勝回向。遠離般若波羅蜜多所起回向是爲下劣回向。甚深義品

940

復次善現有菩薩摩訶薩具修六種波羅蜜多見諸
有情生死長遠諸有情界其數無邊見此事已作是
思惟生死邊際猶如虛空諸有情界亦如虛空雖無
真實諸有情類流轉生死及得解脫而諸有情妄執
爲有輪回生死受苦無邊我當云何方便濟拔既思
惟已作是願言我當精勤無所顧戀修行六種波羅
蜜多成熟有情嚴淨佛土令速圓滿疾證無上正等
菩提爲諸有情說無上法皆令解脫生死大苦亦令
證知生死解脫都無所有畢竟皆空善現是菩薩由
此六種波羅蜜多速得圓滿疾能證得一切智智願

941

品與綱要卷六
首葉經文參看

如堅翹鳥飛騰虛空自在翱翔久不墮落雖依空戲
而不據空亦不爲空之所拘礙諸菩薩亦復如是雖
於空無相無願解脫門數數習近安住修行而於中
能不作證由不證故不墮聲聞及獨覺地若時無上
正等菩提因行善根一切成熟爾時方證實際習近

246

綱要卷六首
葉經文參看

以如虛空無盡行住引發般若波羅蜜多如實觀察
十二緣起速能圓滿甚深般若波羅蜜多如是觀察
緣起法時不見有法無因而生不見有法無因而滅

不見有法。性相常住。不生不滅。無盡品與綱要卷六
十七葉經文參看
善現言云。何於無名相法。以名相說。而言不壞。佛告
善現。我隨世俗。於一切法。假立名相。為諸有情。方便
宣說。而無執著。故無所壞。若諸聖者。於名著。名於相。
著相。則亦應於空著。空於無相著。無相於無願著。無
願於真如著。真如於法界著。法界於實際著。實際於
無為著。無為善現。是一切法。唯有假名。唯有假相。而
無真實。菩薩摩訶薩住一切法。但假名相行深般若。
波羅蜜多。而於其中無所執著。巧便品與綱要卷六
三十二葉經文參看
善現復白佛言。諸菩薩修如來道。得圓滿已。豈於實

943

際亦不證住。佛告善現。諸菩薩摩訶薩成熟有情。嚴
淨佛土。及修大願。若未圓滿。猶於實際未應證住。若
已圓滿。乃於實際應可證住。善現言。為何所住。證住。
實際。佛告善現。汝何所住。得盡諸漏心。永解脫。善現
對曰。非我有住。得盡諸漏心。永解脫。然我盡漏心得
解脫。都無所住。佛告善現。諸菩薩摩訶薩亦復如是。
行深般若波羅蜜多。都無所住。巧便品初分平答三
出與道相智一段問答參看
見綱要卷六之三十三葉
善現復問。諸煩惱斷。得無為不。佛言如是。善現復問。
聲聞獨覺。不得無為煩惱斷。不佛言不爾。善現復問。

944

無為法中有差別。不佛言不爾。善現言若無為法無差別者。佛何故說。如來習氣相續。永斷聲聞獨覺。猶未永斷。佛言。習氣相續。實非煩惱。然諸聲聞及諸獨覺。煩惱已斷。猶有少分。似貪瞋癡。動發身語。卽說此為習氣相續。諸佛世尊。究竟無有。巧便品與初分習氣相續。實非煩惱。

後經文
參看。

945

無所得法。能得無所得。巧便品與俱不可得。一段經文參看。

菩薩摩訶薩。雖作大饒益事。而竟不見有實有情得涅槃者。但見妄想眾苦。寂滅品樹喻。

善現卽白佛言。若一切法皆以無性為自性者。云何

如來應正等覺。於一切法無性為性。現等覺已說名為佛。於一切法及諸境界。得自在轉。佛告善現。一切法皆以無性為自性。我本修學菩薩道時。無倒修行。布施淨戒安忍精進靜慮般若波羅蜜多。由此離欲。惡不善法。有尋有伺。離生喜樂。入初靜慮。具足住。如是乃至斷樂斷苦。先喜憂沒。不苦不樂。捨念清淨。入第四靜慮。具足住。我於爾時。於諸靜慮及靜慮支。雖善取相。而無所執。於靜慮及靜慮支。不生味著。於諸靜慮及靜慮支。都無所得。我於爾時。於四靜慮。行相清淨。無所分別。我於爾時。於諸靜慮及靜慮支。雖善

946

純熟而不受彼所得果報。但依靜慮令心引發神境
天耳他心宿住天眼智通於此五通。雖善取相而無
所執亦不愛味於諸通境都無所得亦不分別。如空
而住我於爾時觀一切法平等平等無性爲性以一
刹那相應般若證得無上正等菩提。謂如實知是苦
聖諦是集聖諦是滅聖諦是道聖諦皆同一相所謂
無相如是無相亦無所有。由此成就如來十力四無
所畏四無礙解大慈大悲大喜大捨并十八不共
法等無量無數不可思議微妙功德。以佛妙智安立
有情三聚差別隨其所應方便化導令獲殊勝利益

947

安樂漸次品與七卷
首葉經文參看

菩薩摩訶薩見諸愚夫於非我中而住我想於非有
情住有情想乃至於非知者住知者想非見者住見
者想是菩薩摩訶薩見是事已深生憐愍方便教化
令離顛倒妄想執著安置無想甘露界中住是界中
不復現起我想乃至知見者想是時一切掉動散亂
戲論分別不復現行心多安住寂靜澹泊無戲論界

948

復次善現我爲新學諸菩薩說涅槃非化非別實有
不空涅槃是故不應執此爲難善現便白佛言云何

方便教誠教授新學菩薩令知諸法自性常空佛告
善現豈一切法先有後無而不常空然一切法先既
非有後亦非無自性常空不應驚怖應作如是方便
教誠教授品空性

第三分

諸天思惟我等常設種種方便令是菩薩離淫欲法
從初發心乃至證得所求無上正等菩提常修梵行
於順結法不生貪染所以者何行非梵行生於梵天
尚能爲礙况證無上正等菩提是故菩薩斷欲出家
修梵行者能得無上正等菩提非不出家行非梵行

爾時舍利子白佛言諸菩薩爲要當有父母妻子諸
親友耶佛言或有菩薩真有妻子眷屬而修菩薩摩
訶薩行或有菩薩無有妻子從初發心乃至成佛常
修梵行不壞童真或有菩薩方便善巧先現受用五
妙欲境後方厭捨勤修梵行乃得無上正等菩提如
彼幻師幻作種種彼幻所作爲有實舍利子言不
也世尊佛言菩薩亦復如是爲欲成熟有情示受五
欲而實無染所以者何諸菩薩於五欲中深生厭患
不爲彼過之所塗染以無量門訶毀諸欲謂作是念
欲如熾火欲如糞穢欲如魁膾欲如怨敵欲如毒器

欲如闡井。豈有真實受諸欲事。但爲方便饒益有情。化現斯事。品緣起

舍利子言。彼於何處不能出離。佛言。彼於欲界色無色界不能出離。便於聲聞獨覺菩薩及諸佛法不能成辦。設於三界能出離者。而於二乘不能出離。由此不能信解深法。善現品與綱要一卷三十葉不能信受經文參看。

次答大乘從何處出。至何處住者。善現。當知大乘從三界中出。至一切智智中住。然以無二爲方便。故無出無住所以者。何若大乘若一切智智如是二法不合不散。非有色非無色。非有見非無見。非有對非無

對皆同一相。所謂無相。無相之法。無出無住。非已出已住。非當出當住。非今出今住。其有欲令無相之法。有出住者。則爲欲令真如法界法性不虛妄性不變異性平等性離生性法定住實際虛空界不思議界。亦有出住所以者。何真如乃至不思議界。皆不能從三界中出。亦不能至一切智智中住。何以故。真如真如自性空。乃至不思議界。不思議界自性空。故其有欲令無相之法。有出住者。則爲欲令斷界離界滅界安隱界寂靜界無生界無滅界無性界無相界無作界無爲界。亦有出住所以者。何斷界乃至無爲界。

皆不能從三界中出亦不能至一切智智中住何以
 故斷界斷界自性空乃至無爲界無爲界自性空故
 其有欲令無相之法有出住者則爲欲令名字假想
 施設言說亦有出住所以者何名字假想施設言說
 皆不能從三界中出亦不能至一切智智中住何以
 故名字假想施設言說名字假想施設言說自性空
 故善現諸菩薩摩訶薩行深般若波羅蜜多時雖
 觀諸法皆無所有都不可得畢竟淨故無乘大乘而
 出住者然無所得而爲方便乘於大乘從三界生死
 中出至一切智智中住窮未來際利樂有情無斷無

983

盡善現品與綱要二卷末葉參看
 現前發起無倒隨喜同向心者應作是念色乃至識
 與解脫等廣說乃至一切相智與解脫等戒蘊等五
 與解脫等於一切法所起勝解與解脫等三世諸佛
 與解脫等三世諸法與解脫等一切隨喜及諸同向
 與解脫等佛及弟子并諸獨覺諸根熟變與解脫等
 佛及弟子并諸獨覺所得涅槃與解脫等諸佛菩薩
 獨覺聲聞諸法法性與解脫等一切有情及一切法
 并彼法性與解脫等隨喜同向品與綱要四卷二十
 若於如來應正等覺取相憶念皆是執著六葉解脫亦如是經文參看
品

984

善現白佛言甚深般若波羅蜜多是大波羅蜜多。達一切法自性空故。於此大般若波羅蜜多中轉法輪事。都不可得。以一切法永不生。能轉所轉不可得故。善現復白佛言世尊甚深般若波羅蜜多是無邊波羅蜜多。如是善現如太虛空無邊際故。是平等波羅蜜多。以一切法性平等故。是遠離波羅蜜多。畢竟空故。是難屈伏波羅蜜多。以一切法不可得故。是無足跡波羅蜜多。以一切法無名體故。是虛空波羅蜜多。入息出息不可得故。是不可說波羅蜜多。此中無尋亦無伺故。是無名波羅蜜多。受想行等不可得故。是

無轉波羅蜜多。以一切法來故。是不可引波羅蜜多。以一切法不可取故。是盡波羅蜜多。以一切法畢竟盡故。是無生滅波羅蜜多。以一切法無滅生故。是無作波羅蜜多。以諸作者不可得故。是無知波羅蜜多。以諸知者不可得故。是無移動波羅蜜多。以死生者不可得故。是無調伏波羅蜜多。以一切法可調伏性不可得故。是如夢如響乃至如變化事波羅蜜多。以一切如夢如響乃至如變化事不可得故。是無染淨波羅蜜多。以染淨因不可得故。是無塗染波羅蜜多。彼所依法不可得故。是無戲論波羅蜜多。諸戲論事

永滅除故。是無慢執。波羅蜜多。破壞一切慢執事故。
是無動轉。波羅蜜多。住法界故。是離染著。波羅蜜多。
覺一切法非虛妄故。是無等起。波羅蜜多。於一切法
無分別故。是寂靜。波羅蜜多。於諸法相無所得故。是
無貪瞋癡。波羅蜜多。除滅一切三毒事故。是無煩惱。
波羅蜜多。離分別故。是離有情。波羅蜜多。達諸有情。
無所有故。是無斷壞。波羅蜜多。此能等起一切法故。
是無二邊。波羅蜜多。離二邊故。是無雜壞。波羅蜜多。
以一切法不壞雜故。是無取著。波羅蜜多。超過聲聞
獨覺地故。是無分別。波羅蜜多。一切分別不可得故。

957

是無分限。波羅蜜多。諸法分限不可得故。是如虛空。
波羅蜜多。於一切法無滯礙故。是無常苦無我。波羅
蜜多。於一切法滅壞逼迫無執著故。是空無相無願。
波羅蜜多。達一切法都無所有。遠離諸相不可願故。
是內空乃至無性自性空。波羅蜜多。知所空法不可
得故。是四念住乃至十八不共法。波羅蜜多。知身
受心法皆不可得。乃至超諸聲聞獨覺法故。是如來。
波羅蜜多。能如實說一切法故。是自然。波羅蜜多。於
一切法自在轉故。是正等覺。波羅蜜多。於一切法能
正等覺一切相故。讚德

958

聞說般若波羅蜜多甚深經時。心不清淨而捨去者。隨彼所起不清淨心。厭捨此經。舉步多少。便減爾許劫數功德。獲爾許劫障菩提罪。受彼罪已。更爾許時。發勤精進。求趣無上正等菩提。修諸菩薩難行苦行。方可復本。品魔事

如來應正等覺。依法而住。此法卽是甚深般若波羅蜜多。品現世

應如是學甚深般若波羅蜜多方便善巧。乃能安住。所應住法。如是安住。則於一切法得無障礙。何以故。從本際來。不攝受一切法。所以者何。一切法不可攝

受若不可攝受。則非一切法。說是所應住法時。二千菩薩同時證得無生法忍。品真如菩薩摩訶薩。雖住一切法空。而愛樂正法。不樂非法。雖住不可得空。而常稱讚三寶功德。雖行諸法。真如法界一味之相。而樂讚揚真如法界種種功德。品不遇善現。自佛言。應修何等餘。遠離行。而佛不讚。居阿練若曠野山林。棄勝臥具。思惟晏坐。遠離功德。佛告善現。若居山林空澤曠野阿練若處。若住城邑聚落主都喧雜之處。但能遠離煩惱惡業及諸聲聞獨覺作意。行深般若波羅蜜多。及修諸餘勝妙功德。是名菩

薩真遠離行惡魔所讚。隱於山林空澤曠野阿練若處棄勝臥具晏坐思惟。非諸菩薩真遠離行所以者何。彼遠離行猶有喧雜。謂彼或雜惡業煩惱或雜聲聞。獨覺作意於深般若波羅蜜多不能精勤信受修學不能圓滿一切智智。

彼於如是真遠離行不生愛樂。但樂勤修聲聞獨覺空遠離行執著如是二乘所修遠離行法以為最勝於佛所讚住真遠離行菩薩。謂居憤鬧心不寂靜於諸如來所不稱讚住真喧雜行菩薩。謂不喧雜其心寂靜能正修行妄生種種分別執著。七卷首葉經文

961

看

假使為聲聞乘人說聲聞法得阿羅漢果猶未為我作佛弟子所應作事。若能為菩薩乘人宣說一句甚深般若波羅蜜多相應之法。即名我為作佛弟子所應作事。若有菩薩摩訶薩為聲聞獨覺乘等宣說般若波羅蜜多相應之法。經一日夜置一日夜。但經一日復置一日。但經半日復置半日。但經一時復置一時。但經食頃復置食頃。但經須臾復置須臾。但經俄爾復置俄爾。但經彈指所獲福聚無量無數。何以故。甚深般若波羅蜜多相應法。施超過一切聲聞獨

962

覺相應法施及彼三乘諸善根。動品故不見
 善現白佛言。諸菩薩摩訶薩。為何所住。證於實際。佛
 告善現。汝為住道。得盡諸漏。心解脫不不也。世尊。汝
 為住非道。得盡諸漏。心解脫不不也。世尊。汝為住道。
 非道。得盡諸漏。心解脫不不也。世尊。汝為住非道。非
 非道。得盡諸漏。心解脫不不也。世尊。佛告善現。汝何
 所住。得盡諸漏。心永解脫。善現答言。非我有住得盡
 諸漏。心永解脫。然我盡漏。心得解脫。都無所住。佛告
 善現。菩薩亦復如是。都無所住。而證實際。二方便品與

品參看問
 語較詳

相無相。法相待而立。非究竟。慧到彼故。
 諸佛無上正等菩提。及諸功德。無自他性。但以無性
 而為自性。諸有情無自他性。但以無性而為自性。相妙
品與綱要七卷
 二葉經文參看
 菩薩行願圓滿。各於所居。嚴淨佛土。證得無上正等
 覺時。所化有情。亦生彼土。共受淨土大乘法樂。品佛國
 諸有情於一切自相空理。不能盡知。造作諸業。或善
 或惡。或復無漏。由於善業。造作增長。生天人中。由於
 惡業。造作增長。墮三惡趣。於善業中。由於定業。造作
 增長。得生色界。或無色界。由無漏業。加行根本。有種

性。等。賢。聖。差。別。宣。化。品。義。同
少。異。參。看。

第四分

甚深般若波羅蜜多。及菩薩名。具無決定。亦無住處。所以者何。如是二名。俱無所有。無所有法。無定無住。若住色受想行識。便作色受想行識行。非行般若波羅蜜多。所以者何。非作行者。能攝般若波羅蜜多。不攝般若波羅蜜多。則於般若波羅蜜多。不能修習圓滿。便不能得一切智智。若不能得一切智智。便不能攝。所攝有情。是故不應攝受諸色受想行識。亦不攝受一切智智。所以者何。是一切智智。非取相修得。

諸取相者。皆是煩惱。若取相修得一切智智者。則勝軍梵志。於一切智智。不能信解。是勝軍梵志。雖由信解力。歸趣佛法。名隨信行。而能以少分智。觀一切法。空悟入一切智智。既悟入已。不取色相。亦不取受想行識相。非以喜樂。觀見此智。不以內色受想行識。觀見此智。不以外色受想行識。觀見此智。亦不以內外色受想行識。觀見此智。亦不離色受想行識。觀見此智。勝軍梵志。以如是等離相。問於一切智智。深生信解。於一切法。皆無取著。乃至涅槃。亦不取著。以法性為定量。故能相亦離。所相亦離。能相亦離。能相亦

離能相所相亦離所相。菩薩摩訶薩於此中學。速能
成辦一切智智。何以故。知一切法無生滅故。離不
生法無法可得。妙行
憍尸迦。非但獲得相好身故。說名如來應正等覺。要
由證得一切智智。乃名如來應正等覺。憍尸迦。如來
所得一切智智。要由般若波羅蜜多為因。故起佛相
好身。但為依處。若不依止佛相好身。無由而起。是故
般若波羅蜜多。正為因。生一切智智。欲令此智現前。
相續。故復修集佛相好身。此相好身。若非遍智所依
處者。一切天龍人非人等。不應竭誠供養恭敬。以相

967

好身。與佛遍智為所依止。故諸天龍人非人等。供養
恭敬。我涅槃後。我設利羅。皆以般若波羅蜜多為根
本。故若善男子等。供養般若波羅蜜多。即為供養一
切智智佛相好身。設利羅故。供養
一切如來應正等覺。皆由般若波羅蜜多。通達真如。
法界法性及實際等。成就法身。由法身故。說名為佛。
佛設利羅。依法身故。乃為世間恭敬供養。稱揚功德
於已滅度諸佛世尊及弟子等。取相分別。隨喜回向。
無上菩提。是則名為大有所得。過去已滅。無所有故。
未來現在佛弟子等。未至不住。亦不可得。若不可得。

968

非取相境。若取其相發生隨喜。回向菩提。俱墮顛倒。
隨喜回向品

欲趣無上正等菩提。於諸如來應正等覺。以淨信心
取相憶念。隨所取相。皆名執著。所以者何。諸取相者。
名執著故。若於過去未來現在一切如來應正等覺。
諸無漏法。深生隨喜。復持如是隨喜善根。與諸有情。
平等共有。回向無上正等菩提。亦名執著。所以者何。
諸法實性。非過去。非未來。非現在。遠離三世。非離三
世可能回向。離三世法。不可取相。不可攀緣。亦無見
聞覺知事故。一切如來應正等覺。於一切法無所

969

證故名現等覺。所以者何。諸法本性。唯一無二。當知
諸法本性。卽非本性。此非本性。卽是本性。能如是知。
卽能遠離一切執著。世尊於諸著中。說無著相。
爲如虛空。諸有情類。脫如虛空。生死苦得如虛空。涅
槃樂。爾時會中有一苾芻。向佛合掌。白言。世尊。我應
敬禮甚深般若波羅蜜多。謂此般若波羅蜜多。無法
可生。無法可滅。爾時善現告帝釋言。汝見有法可
守護不。天帝釋言。我不見法。是可守護。善現告言。如
深般若波羅蜜多。所說不住。卽爲守護。若離般若波
羅蜜多人。非人等。欲爲損惱。卽得其便。
清淨品

970

甚深般若波羅蜜多。於一切法不生不滅不成不壞。不向不背不引不遣不取不捨不垢不淨不增不減。不近不遠。所以者何。以一切法都無所有。皆不可得。於一切法無所得。故非能染汙。非所染汙。所以者何。無法不能染汙。無法當知色無染汙。故甚深般若波羅蜜多亦無染汙。受想行識無染汙。故甚深般若波羅蜜多亦無染汙。甚深般若波羅蜜多無染汙。故色等諸法亦無染汙。若於如是亦不分別。是行般若波羅蜜多。讚歎品與綱要五卷二葉經文參看

971

理思惟。書寫解說。廣令流布。當知是人不久當受大善提記。疾證無上正等菩提。無墮聲聞獨覺地位。何以故。已得見聞供養恭敬。甚深般若波羅蜜多。無上菩提之前相。故譬如春時華果樹等。故葉已墮。枝條滋潤。新華果葉當出。非久所以者何。此諸樹等新華果葉先相。現故。總持品

如是真如甚深甚妙。唯不退轉菩薩及諸願滿大阿羅漢。并具正見善男子等。能生信解。如來為彼依。自所證真如之相。顯示分別。甚深般若波羅蜜多不見色。故名示色相。不見受想行識。故名示受想行識。

972

相。由不緣色而起於識。是為不見色故名示色相。不
 緣受想行識而起於識。是為不見受想行識故名示
 受想行識相。現世間品
 菩薩所著甲冑不屬色。不為色。不屬受想行識。不為
 受想行識。不屬聲聞獨覺地。不為聲聞獨覺地。不屬
 菩薩地。不為菩薩地。不屬佛地。不為佛地。所以者何。
 以一切法皆無所屬皆無所為。菩薩能著如是堅固
 甲冑。能著如是堅固甲冑。即於三處無所住。著何
 等為三。一聲聞地。二獨覺地。三如來地。天讚品與綱
 要五卷二十
 六葉能為
 難事參看

973

色受想行識亦得名為甚深般若波羅蜜。多相應義
 處。色受想行識性空。亦可說為無量無邊。無量
 無邊。是空無相。無願增。語一切法門。無不皆空空。即
 無盡空。即無量空。即無邊。一切法門。雖有種種言說
 差別。而義無異。不可說義。雖無增減。而不退失。真
 如。作意波羅蜜多。雖無增減。而不退失。所求無上正
 等菩提。若菩薩安住如是真如作意修行。布施乃至
 般若波羅蜜多。便近無上正等菩提。品空相
 佛告善現。行深般若波羅蜜多時。於勝義諦為取相
 不不也。世尊於勝義諦。雖不取相而行。相不不也。世

974

尊是菩薩摩訶薩於勝義諦為壞相不也世尊於
勝義諦為遺相不也世尊佛告善現是菩薩於勝
義諦若不壞相亦不遺相云何能斷取相之想善現
答言是菩薩行深般若波羅蜜多時不作是念我今
壞相我今遺相斷取相想亦不修學斷相想道若菩
薩修斷相想道爾時一切佛法未滿名墮聲聞或獨
覺地世尊是菩薩成就最勝方便善巧雖於諸相及
取相想深知過失而不壞斷速證無相何以故一切
佛法未圓滿故 菩薩若念無上正等菩提經久乃
得不應怖畏所以者何前際劫數雖有無量而一心

975

頃憶念分別積集所成後際劫數應知亦爾不應於
中生久遠想而謂無上正等菩提要經長時方乃證
得何以故前際後際劫數長短皆一刹那心相應故
若諸菩薩於餘一切見聞覺知可怖畏法不生怖
畏應知速證所求無上正等菩提是故應隨如來真
淨空教被功德鎧精勤修學於一切法不應怖畏功深
十三葉經文參看
善現白佛言云何習空云何現入空三摩地佛告善
現行深般若波羅蜜多應觀色受想行識空作此觀
時不令心亂則不見法若不見法則不作證善現言

976

云何住空等持而不作證。佛告善現。觀法空時。先作是念。我應觀法諸相皆空。不應作證。今是學時。非是證時。是菩薩未入定時。繫心於境。攝受般若波羅蜜多。於如是時。不退一切菩提分法。不證漏盡。善現當知。若時菩薩住空三摩地而不證。空亦住無相三摩地而不證。無相。諸菩薩雖行空而不住空。雖現入空定而不證實際。覺魔事品與綱要六
甚深般若波羅蜜多。無著為相。餘一切法。亦可說有。此無著相。由諸有情虛妄執著我及我所說。有雜染而於其中。無雜染者。由諸有情不妄執著我及我

所說有清淨而於其中無清淨者。善友
若菩薩摩訶薩。欲行諸佛所行境界。欲居諸佛大仙尊位。欲遊戲佛所遊戲處。欲作諸佛大師子吼。欲擊諸佛無上法鼓。欲扣諸佛無上法鐘。欲吹諸佛無上法螺。欲昇諸佛無上法座。欲演諸佛無上法義。欲決一切有情疑網。欲入諸佛甘露法界。欲受諸佛微妙法樂。欲證諸佛圓淨功德。欲以一音為三千界一切有情宣說正法。普令一切獲大饒益。當學如是甚深般若波羅蜜多。品速
善現白佛言。法離真如。無別可得。為說何法安住真

如復說誰能近一切智疾證無上正等菩提誰復為
 誰說何法要佛告善現如是如是如汝所說善現真
 如尚不可得況別有法能住真如豈復有能近一切
 智疾證無上正等菩提寧復有能為他說法善現當
 知真如不可自住真如此中都無能所住故真如不
 能近一切智此中都無能所近故真如不能證得無
 上正等菩提此中都無能得所得差別性故真如不
 能為他說法此中都無能所說故隨世俗故說有菩
 薩行深般若波羅蜜多安住真如近一切智疾證無
 上正等菩提為諸有情宣說法要善現所有辯才

無不依空而施設所以者何觀一切法皆畢竟空尚
 不得甚深般若波羅蜜多況有能行甚深般若波羅
 蜜多者尚不得諸佛無上正等菩提況有能證諸佛
 無上正等菩提者尚不得一切智智況有能得一切
 智者尚不得真如況有能得真如成如來者尚不得
 無生性況有能證無生性者尚不得菩提況有能證
 佛菩提者尚不得諸法況有能說法者堅固
 菩薩摩訶薩能如是思惟觀察覺悟蘊等隨順般若
 波羅蜜多便能遠離種種作意隨順品
 第五分

菩薩於諸苦行作樂行想於難行行作易行想於諸
 有情作父母及已身想品現
 不應以色壞故觀色無常不應以受想行識壞故觀
 受想行識無常但應以常無故觀色乃至識為無常
經典
 執此心能正回向無上正等菩提亦名為著 若於
 三世諸佛無漏法中深生隨喜共諸有情回向菩提
 亦名執著諸法實性非三世攝不可取相攀緣亦無
 見聞覺知事故品清淨
 如來應正等覺無不皆依甚深般若波羅蜜多於一

切法無作無成無生智轉復能知此無轉因緣是故
 應知甚深般若波羅蜜多能生如來應正等覺亦能
 如實示世間相品甚深
 諸菩薩超煩惱品亦超魔品及二乘地雖住空定而
 不盡漏雖善習空而不作證爾時菩薩住空定中雖
 於相不執而不證無相如堅翅鳥飛騰虛空自在翔
 翔久不墮落雖依空戲而不住空亦不為空之所拘
 礙菩薩亦復如是雖學空無相無願解脫門而不住
 空無相無願乃至佛法未極圓滿終不依彼示盡諸
 漏姊妹品般若
義同文異竟

般若綱要卷十

子雲辭較對

牧雲禪師題七空居士像

余聞出世之士身證無生法者能坐臥虛空石
壁無礙。圖景四山石偶觀葛子毅調圖卷其意在斯乎因爲題語

沙門之法來自五天中國從化莫知其然一瓶一鉢
閒雲野鶴舍於樹下道在丘壑觀身如幻觀世如囚
般若之由示蝴蝶夢解蠻觸軍般若之勲齊彼萬物
空其死生般若之明石壁無礙坐臥虛空般若之通
若海羣迷引觀法王般若之杭導莊嚴路生菩提家

983

般若綱要卷十

一百

般若之車。葛子志此。處於林間。惟寂惟默。怡然道顏。
無我無人。何仙何凡。鳥飛莫度。惟石巖巖。

康熙辛亥九月中。澣繫珠乞士。樛叟書於湖山精舍。

見附毅翁於我家有舊戚而爲新姻。昨歲範孫成室。

益密邇而悉其家庭規範。鼎鼎如也。避囂城市。

樊園郊居。軒中萬卷。手遍丹黃。更精心內典。長

齋泊然。堅猛志力。可謂毅矣。至於承先啓後。特

立獨行。無弗自慊者。丙何敢品題。述所服膺云。

爾。

碧水丹山際。清風擁白雲。曠然此默坐。理亂可弗聞。

984

雖然吾徒與安得便離羣。讀書以行古家國原不分。
政施惟孝友緣空彙等倫。至人遵大道終始足自了。
淵靜鮮櫻構鏡月常美好。此中無纖翳造物何能老。
葛子既敏悟與世本自然。琴書依孔孟蔬水棲禪玄。
但據我性宗便已得光天。征邁深明發花萼益絲芊。
滋蘭成九畹馨香播南國。經史珍腹笥丹黃祕五色。
勿煩挾弧矢恐疎筆與墨。山水鬱林泉楨帙渝萬卷。
視履苟不惑吐茹無強勉。唄誦匪恆苦塵根由外遣。
蒲團晷刻間面壁何深淺。一日是兩日百年同瞬轉。
噫噫汨汨中誰便緣彼岸。但勿隨逝波固已得長算。

高深任陵谷舉趾常不亂。我呼三青鳥同君刷羽翰。
麻老人張丙拜手可菴先生子
柴桑宅畔溪流泓。面前高矗玉峰青。墻東大隱遺世
名。城市聾煩耳目清。鄉閭比德烈與寧。傳經不數金
滿。簾擁書萬卷雄百城。前生應許是淵明。東臯煙月
有誰爭。黃唐寄慨寫幽貞。君家雜用好長生。爲訪丹
砂勾漏行。北郭高賢丈室扃。臥遊廬阜尋蓮盟。會儂
歸佛探彌精。從乳得酪醍醐成。傳來小影儼僧形。千
巖萬壑相迴榮。嘯咏其間眾妙并。俛仰乾坤一草亭。
弟張立廉具草師付囑

吾見其人。瓊雕岳立。冲明在襟。惟世德之駿邁。樹孝友之令望。而黽勉沈深。雖握珠璣。盛組繡。而不羨乎當世之華。簪常煦煦。低首折步。不以色待物。蓋庶幾寡欲清真。亭臯搖落。郊戍寂寥。是間有隱君子。而不必以綠流翠草。好鳥佳木之爲珍。惟塵勞漸遠。能了夢幻虛無。而不同乎土木瓦石之無心。抑動不離靜。融然忘適。其期爲毅調子。鏡中之影。身外之身。

同學弟王榮題芥菴先生孫

毅翁輯般若綱要嘉惠後學真大宗匠也薰沐讀之口占一律

濟下全提一喝通。和同佛乘是真風。華嚴誦憶惟龍樹。般若宣流有葛翁。會得別傳非教外。由來直指在經中。一披綱要臚全帙。沙界咸資蓋代功。

弟陳新年拜撰

家弟名階。於先宜人爲少子。而於兄弟行第七。平生學行。以持敬立誠存仁爲本。經史該洽。無忝先人家教。壬午觀光南關。而不遇。便棄舉子業。時年甫二十外也。茲戊申孟冬。爲弟五旬初度。家兄弟子姪。並舉觴祝。而弟出小像。諸弟遜余執筆。謹草質辭紀之。亦家言之體。宜如是耳。

弟置書萬卷。自少至今。披誦刻葉。有常課。著有復菴小稿六卷。世譜一卷。

孝友以立其基。愷悌以彰其用。服雖寓乎儒禪。志實專於讀誦。平生心事。落落經明。一世英姿。閒閒莫動。窮性理而少卽知修。篤倫常而操克儼。重處兄弟。則人得其歡。誠導子姪。而胥沐其躬。諷先府君廉憲公清勤之緒。賴此非遐。先母氏錢宜人未愜之齡。可馬無恫。詣以虛受。而日醕識。以年加。而益聳。堪學者之良模。豈一家之瑞鳳。余故不復發興於雲山。而但恪徵其旣成之實德也。過茲以往。當愈邵而稽。以爲家。

乘之光焉。其交修而並勗者。凜凜然實奉乎前人之貽。永惟旦夕之吾規。企邁征之俱共。

兄蹇菴冪沐手述

家君輯錄綱要。因大經卷帙浩繁。文勢綿邈。家君以朝氣遇之。丙夜而起。通其條理。抉其綱宗。簡首標題。長文段落。錄兩悉稱。顛訖宛然。全經非繁。綱要非簡。有時徹曉。而無倦色。如是者兩載。始克告成。而心神枯瘁矣。聞古南牧雲禪師。耆宿好學。此經反覆尋釋。極其鉤致。遂賫經往。證師留之半載。復取全經而較定之。雅有同心。幾同水乳。師來興

福家君躬親諮叩師歛之丈室。往復敷陳雲興波
 湧兼及智論甫理歸棹脾疾大作劓劓方始危篤
 良甚而奮然爲之今大經告成恙亦漸起惟是家
 君志在津濟不惜形枯三寶加被宏深真有神助
 敬識師傳之正的神感之靈異非同泛常也子雲
 薜百拜記

991

282